

Ақийқа - бола саломатлигига гаров



15:04 / 14.11.2018 3182

Аллоҳ таолонинг бандаларига берадиган сон-саноқсиз неъматларидан бири – фарзанд туғилиши муносабати ила ақийқа қилиш бўлиб, бу отонанинг бурчларидан биридир.

Демак, бир боланинг соғ-саломат туғилиши, уни туққан онасининг соғ қолиши бутун инсоният учун Аллоҳ таолонинг чексиз инояти ва лутфу карамидир. Ҳар бир туғилган фарзанд инсоният учун Аллоҳ таолонинг катта неъматидир.

Шунинг учун ҳам туғилган ҳар бир фарзанд учун Аллоҳ таолонинг Ўзига шукр қилиш керак бўлади. Ўз-ўзидан «Фарзанднинг туғилиши муносабати ила Аллоҳ таолога шукр қилиш қандай бўлади?» деган савол юзага келади.

Ҳар ким ўзи билиб шукр қиласди, дейилиши мумкин. Ҳамма ўз билганича шукр қиладиган бўлса, шукр қиласман деб, куфрга ўтиб кетиш ҳам ҳеч гап эмас.

Энг оддий мисол: Авваллари бола туғилиши муносабати билан «ювиш» деган маросим қиласиганлар бор эди. «Ювиш»да келганларга тўйгунича ароқ ичириларди. Энди ўзимиз ўйлаб кўрайлик. Аллоҳ таоло бирорвга

фарзанд неъматини ато этди, катта баҳт берди. Энди бу кимса ўша неъматнинг қувончини нишонламоқчи. Шукронаси эса неъматни берган Зот - Аллоҳ таоло ҳаром қилган нарсани ичиб, Аллоҳга нисбатан катта гуноҳ қилишдан иборат. Бу ақлга тўғри келадими? Ундан ташқари, бола туғилиши муносабати билан турли бидъат ва хурофотдан иборат ишларни қиласиганлар ҳам бор эди.

Аллоҳга тўғри шукр келтиришни Аллоҳ таолонинг Ўзининг таълимотлари тўпламидан - Исломдан олиш тўғри бўлади. Ислом шариатида эса оилада бола туғилиб, орага янги бош келиб қўшилганини Аллоҳ таолонинг Ўзи мусулмон бандаларига ҳалол қилган ҳайвонлардан бирининг бошини кесиб, нишонланади. Расулуллоҳ соллаллоҳу алайҳи васалламнинг суннатларига мувофиқ, боланинг соғ-саломат туғилганига ва уни туқсан онасининг соғ қолганига шукrona келтирилади.

Ўйлаб кўрадиган бўлсак, Аллоҳ учун қўй сўйиб, шукrona қилишни даъво қилсак ҳам, бу маросимдан ўзимиз фойдаланамиз: таомланамиз, ижтимоий алоқаларимизни мустаҳкамлаймиз ва ҳоказо. Сўйилган қўйнинг гўшти ҳам, ёғи ҳам ва бошқа қисмларидан бирор зарраси ҳам Аллоҳ таолога етиб бормайди. У ҳолда нега энди «Аллоҳ учун қилдим», дейилади? Бу каби ишларнинг Аллоҳ учунлиги нимада? Бу ҳақли саволнинг жавобини Қуръони Каримдан топамиз.

Аллоҳ таоло Ҳаж сурасида марҳамат қиласи:

ج
مِنْكُمْ أَنَّقُوئِيْ يَنَالُهُ وَلَا كُنْ دِمَاؤُهَا وَلَا لُؤْمُهَا أَللَّهُ يَنَالَ لَنَ

وَبَشِّرْ هَدَنَكُمْ مَا عَلَى اللَّهِ لِتُكَبِّرُ وَالْكُمْ سَخَّرَهَا كَذَلِكَ

«Уларнинг гўштлари ҳам, қонлари ҳам зинҳор Аллоҳга етмас. Лекин Унга сиздан тақво етадир. Шундай қилиб, сизни ҳидоят қилгани эвазига Аллоҳга такбир айтишингиз учун уларни сизга беминнат хизматкор қилиб қўйди. Яхшилик қилувчиларга башорат бер» (37-оят).

Шукрона учун сўйилган ҳайвонларнинг гўштларини ҳам, қонларини ҳам Аллоҳ таоло олмайди. У Зот уларга муҳтож эмас. Ният билан ҳайвон сўйишдан мақсад, банданинг Аллоҳ амрига итоатини, тақвосини намоён этишдир. Банда ихлос билан Аллоҳнинг йўлида ҳайвон сўймоқдами, демак, ўша банданинг Аллоҳ таолога тақвоси бор экан. Аллоҳнинг розилиги учун борини қурбон қилишга тайёр экан. Шу билан бирга, бундай амални қилиш banda учун Аллоҳни улуғлашга бир фурсатдир.

«Шундай қилиб, сизни ҳидоят қилгани эвазига Аллоҳга такбир айтишингиз учун уларни сизга беминнат хизматкор қилиб қўйди».

Банда Аллоҳни қанча улуғласа, шунча кам. Биргина ҳидоятга бошлаб қўйганлиги учун қанча такбир айтса, оз. Ҳайвон сўйиш ҳам, Аллоҳнинг йўлида ҳар қандай қурбонлик беришга тайёр эканини кўрсатиш ҳам ўша ҳидоят учун Аллоҳ таолони улуғлашдир.

«Яхшилик қилувчиларга башорат бер».

Яъни тасаввурни, эътиқодни, амални, ибодатни ўнглаган ва бошқа бурчларни яхши адo этадиганларга хушхабар бер.

Демак, ниятни ва амални Аллоҳнинг динига тўғри қилганлиги учун инсон ақийқа қилиш билан шукронани тўғри келтиради ва бу иши учун ажру савоб ҳам олади.

Ақийқа қилишда шукрона билан бирга, бола туғилиши муносабати ила шодиёна қилиш ва қувончни намойиш этиб, фарзанд туғилганини нишонлаш ҳам бор. Ушбу муносабат ила яна бир муҳим нарсани эслатиб

ўтиш керак бўлади.

“Соғлом бола” китобидан